

Macron za The Economist: NATO je na samrti, EU na ivici ponora, a od SAD više nema ništa



Macron je u intervjuu za The Economist upozorio evropske zemlje da se više ne mogu osloniti na Sjedinjene Države, odnosno da se od Amerike više ne može očekivati da će stati u odbranu zemalja članica NATO-a.

“Moždana smrt NATO-a”

“Ono što trenutno prolazimo može se opisati kao moždana smrt NATO-a. Europa se nalazi na rubu ponora”, kazao je Macron pa dodao kako Evropa mora početi strateški razmišljati o samoj sebi kao o geopolitičkoj sili.

“U protivnom, Evropa više neće kontrolirati vlastitu sudbinu”, rekao je Macron.

“Više ne postoji nikakva koordinacija u donošenju strateških odluka između SAD-a i saveznika u NATO-u i trenutno prisustvujemo agresiji partnerske Turske u zoni u kojoj su, bez koordinacije, naši interesi na kocki”, ustvrdio je Macron.

“To što se događa je golemi problem za NATO”, poručio je francuski predsjednik.

“Angažirali smo se u borbi protiv Islamske države. Paradoksalno je što američka odluka i turska ofanziva u oba slučaja imaju isti ishod: žrtvovanje naših partnera na terenu koji su se borili protiv IS-a – Sirijskih demokratskih snaga (SDF)”, kazao je Macron.

Stoga Macron smatra da Europa, s jedne strane, mora osnažiti svoje vojne kapacitete i na vojnom planu steći stratešku autonomiju, a s druge strane, ponovo pokrenuti strateški dijalog s Rusijom koji bi bio lišen svake naivnosti, za što će, kako je ocijenio, trebati vremena.

Macron je dodao kako su do sada Amerika i Europa dijelile interese te da se on neumorno trudio održati dobre odnose s predsjednikom Donaldom Trumpom. No, smatra kako Amerika po prvi put ima predsjednika koji “ne dijeli zajedničku ideju o evropskom projektu” i da su, čak i ako Trump ne pobjedi na sljedećim izborima, istorijske tekovine učinile svoje i razdvojile stare saveznike.

Kazao je da Trump na NATO gleda kao na neki trgovinski projekt.

“Prema njemu, to je jedan projekt koji SAD-u osigurava neku vrst geopolitičkog kišobrana, ali također i određenu trgovinsku ekskluzivnost. Francuska na to neće pristati”, poručio je Macron.

“Evropa se mora probuditi”

Macron je sve to izgovorio u jednosatnom intervjuu za Economist koji se vodio u Elizejskoj palači. Francuski predsjednik kaže da se “Evropa mora probuditi”.

Šef francuske države smatra da je “sada hitno potrebno razjasniti strateške ciljeve NATO-a”.

Na pitanje vjeruje li u efektivnost NATO-ovog članka 5, odnosno u ideju da će u slučaju napada na jednu članicu NATO-a sve ostale zemlje članice priskočiti u pomoć, što pak mnogi analitičari smatraju glavnim sredstvom odvratanja napada na članice NATO-a, Macron je odgovorio: “Ne znam. Ali šta će članak 5 značiti sutra?”(oslobodjenje,tl)

60

SHARES

[_ Share on Facebook](#)

- [_ Tweet](#)

- [_ Follow us](#)

- [_ Share](#)

- [_ Share](#)

- [_ Share](#)

- [_ Share](#)

- [_ Share](#)

Date: 07-11-2019